



MEMORIA XUSTIFICATIVA DO CONVENIO DE COLABORACIÓN ENTRE A UNIVERSIDADE DA CORUÑA E A FUNDACIÓN DEPORTE GALEGO, PARA A CREACIÓN DA CÁTEDRA INSTITUCIONAL “CÁTEDRA S.X.D. GALICIA ACTIVA”.

Esta memoria redáctase ao amparo do artigo 40.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia que establece que nos expedientes de subvencións de concesión directa se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.

A Fundación Pública Deporte Galego foi constituída pola Xunta de Galicia, como fundación de interese galego para o fomento do deporte e a práctica deportiva no seu ámbito de actuación e po lo tanto, está adscrita á Secretaría Xeral para o Deporte. Servindo ao interese xeral de Galicia, a Fundación Deporte Galego ten por finalidade esta promoción e incentivo do deporte e da actividade física en Galicia, comprendéndose nestes ámbitos tanto as actividades deportivas competitivas como calesquera outras vertentes do eido deportivo e da actividade física, como son os ámbitos educacional, a saúde ou, entre outros, os ligados á vertente económica do deporte e ás súas funcións sociais.

Todo isto, unido á que a UDC é unha institución de dereito público que ten como finalidade a prestación do servizo público da educación superior mediante a docencia, o estudo e a investigación posibilita a colaboración destas dos entidades co obxecto de fomentar o intercambio de experiencias nos campos da docencia, a investigación e a cultura en xeral, mediante a creación dunha cátedra, de acordo co Regulamento para a creación e xestión das cátedras e aulas institucionais da Universidade da Coruña, aprobado no Consello de Goberno do 28 de febreiro de 2013. Como obxectivos estratéxicos da Cátedra destacan os seguintes:

- a) Favorecer a divulgación dos beneficios da adopción de estilos de vida fisicamente activos entre a poboación galega
- b) Contribuír a formación de profesionais cualificados para incrementar os estilos de vida fisicamente activos.





- c) Fomentar a investigación e transmisión de coñecementos en materia de actividade física como instrumento para a prevención das enfermidades crónicas non transmissibles e dos seus factores de risco.
- d) Asesorar na implementación, o seguimento e a avaliación das medidas do Plan Galicia Saudable e no establecemento de prioridades de intervención.
- e) Desenvolver tarefas de investigación relacionadas coas medidas do Plan Galicia Saudable e de observación das condutas sobre actividades física e sedentarismo da poboación galega.

Esta Cátedra se financiará a través da transferencia anual da Secretaría Xeral para o Deporte a Fundación Deporte Galego (Capítulo IV. Transferencias correntes. Concepto orzamentario 44300) na que se garante que existen fondos axeitados e suficientes. A Fundación Deporte Galego financiará a Cátedra con á partida orzamentaria (5. Outros Gastos) do seguinte xeito:

- **Anualidade 2018:** 20.000 €
- **Anualidade 2019:** 20.000 €
- **Anualidade 2020:** 20.000 €

Polo exposto, a Fundación Deporte Galego traballa po lo fomento da práctica deportiva e actividade física, entendendo que é de interese público a creación de hábitos de vida activos na poboación galega. Ademais a inactividade física converteuse nun dos factores de risco para enfermidades crónicas non transmisibles e esta evidencia está en continuo desenvolvemento e en profunda análise. Desta forma, e fundamental favorecer a divulgación dos beneficios dos estilos de vida fisicamente activos, contribuír a formar profesionais cualificados, fomentar a investigación e transmisión de coñecementos e realizar tarefas de investigación relacionadas coas medidas do Plan Galicia Saudable.

Por parte da Fundación considerase axeitado, por razóns de interese público, colaborar economicamente na creación da Cátedra e o carácter único da entidade organizadora do mesmo xustifica a dificultade para promover a súa convocatoria pública segundo dispón o artigo 26 da Lei 9/2007





Pola propia natureza das actuacións subvencionadas está xustificada a utilización de pagamentos anticipados e pagamentos a conta. Segundo se establece no artigo 31.6 da Lei 9/2007, do 13 de xuño, os pagamentos anticipados suporán entregas de fondos con carácter previo á xustificación, como financiamento necesario para levar a cabo as actuacións obxecto deste convenio realizadas nas diferentes anualidades por un importe máximo do 50% de cada anualidade, de conformidade co disposto no artigo 63.3 do Decreto 11/2009, do 8 de xaneiro.

Os pagamentos a conta poderán supoñer a realización de pagamentos fraccionados que responderán ao ritmo de execución das accións subvencionadas. Para proceder ao seu pagamento, UDC deberá enviar a documentación xustificativa prevista no convenio.

Os primeiros gastos xustificados servirán de xustificante do pagamento anticipado realizado. Unha vez xustificada a totalidade do anticipo, os seguintes gastos abonaranse mediante o sistema de pagamento a conta. A suma dos pagamentos a conta máis os anticipos previstos no parágrafo anterior non serán superiores ao 80% do importe que se achega pola Fundación Deporte Galego, correspondente a cada anualidade.

A UDC está exenta da obriga de prestar garantías para os pagamentos a conta e anticipados, de conformidade co disposto no artigo 67.4 do Decreto 11/2009, do 8 de xaneiro.

O presente expediente deberá someterse aos informes previstos no artigo 18.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia. Segundo indica o artigo 40.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, e a disposición adicional segunda da Lei 1/2016, do 30 de xuño, de transparencia e bo goberno na Administración pública galega, a aprobación do convenio requirirá de autorización previa polo Consello da Xunta de Galicia, por ser plurianual.

Santiago de Compostela, 07 de marzo de 2018

A Secretaría Xeral para o Deporte

Marta Míguez Telle

